

## بالفيديو: "ضنك" تطلق حملة للامتناع عن دفع فواتير الكهرباء



الأحد 24 أغسطس 2014 12:08 م

أطلقت حركة "ضنك" حملة شعبية تحت شعار "خليه قاطع .. أنا مش دافع" دعت فيها جميع المواطنين على مستوى الجمهورية للامتناع عن دفع فواتير الكهرباء لحكومة الانقلاب العسكري، احتجاجا على استمرار انقطاع التيار الكهربائي لساعات بشكل غير مسبوق في مصر، ورفضاً للزيادة الكبيرة التي أقرتها حكومة الانقلاب العسكري في أسعار الكهرباء. وفي مؤتمر صحفي بثته الحركة على قناتها على موقع يوتيوب، قال المتحدث الرسمي باسم الحركة "بسم الله، بسم الغلابة والمطحونين، تطلق حركة "ضنك":

(دعوة لكل ربة أسرة النور بيقطع عليها في عز الحر بالساعات.

لكل عامل مصنع مش عارف يحقق كشف انتاجه بسبب قطع الكهرباء.

لكل تاجر بضاعته باطت في التلاجات بسبب قطع الكهرباء.

لكل صاحب عمل شغله واقف بسبب قطع كهرباء بالـ 12 ساعة في اليوم الواحد.

لكل محدود دخل أسعار الكهرباء زادت عليه ومرتبته لسه زي ماهو.

لكل فقير مش عارف يأكل عياله والحكومة رفعت الدعم عنه حتى في الكهرباء.

دعوة لـ 40 مليون مصري تحت خط الفقر، دعوة لكل مصر للامتناع عن دفع فواتير الكهرباء اللي رفعوا عنها الدعم ورغم كده مش لاقينها، دعوة تحت عنوان "خليه قاطع.. أنا مش دافع)

وتابع بيان الحركة: "من النهاردة هانتمتع عن دفع فواتير الكهرباء اللي زادت الضعف ومش بتشتغل إلا بالصدفة، من النهاردة ها اللي بنقطع بالـ 12 ساعة في بعض الأماكن، ومش بنقطع ولا ساعة واحد في مكاتب البشوات اللي حاكمين، وقصور الأغنياء اللي دافعين".

وأوضح المتحدث باسم الحركة أن "الامتناع عن الدفع هاي عمل أزمة سيولة عند الحكومة وهاي حسوا بالأزمة اللي مش حاسس بيها غير الفقير والغلبان، على الحكومة أنها تعرف أن شعب مصر مش قران تجارب للحكومات، تجرب فيه نظريات فاشلة للإدارة ويدفع تمن أخطأها الشعب فقط، وتتحمل مسئوليتها في حل أزمة الكهرباء بأسعار تناسب الجميع، أو ترحل وتسبب اللي يحس بالغلبان هو اللي يدبر"

وتوعدت الحركة حكومة الانقلاب العسكري، بخطوات تصعيدية جديدة، في حالة عدم الانصياع لطلبات الحركة والتي تعتبرها الحركة أنها مطالب الشعب المصري.

